

地 310.133
41

政和縣志

孫洪伊署籤



第	一	冊
卷首	序	
修志姓氏	凡例	目錄
	疆域沿革表	疆域圖
	<small>舊志疆域沿革附</small>	<small>諸圖附</small>

國立北平圖書館 惠存

政和縣縣長盧義聲謹贈



民國八年重脩

政
錄
會
館
書

歐陽穆顯



政和縣志序

邑之有志上以備太史輜軒之采下以爲官吏考鏡之資其關係治術至深且鉅若僅以搜羅散佚作一方之文獻觀抑未矣政和縣志昉自郭興史斯牟後經車邑令鳴時譚邑令垣魏太史敬中相繼修之如郭如車如譚皆官斯土久本其勤政愛民之意發爲文章故其言尤深切而有味如魏則以短促時期就邑人士所哀集者爲之定其部居歸諸體要亦詳贍亦著明要不可謂無功於斯志也魏志修於清道光己丑距今垂八十年時代遞嬗民國肇興其間可書之事正復不少而任其湮沒奚可哉曩者奉令纂修縣志予忝任分督修之職於是檄所屬各縣規畫設局開修其時適李令熙宰政邑以匪

政和縣志序

壹

警頻仍防務旁午未及舉辦嗣李解組錢令鴻文黃令體震後先繼任仍聘李爲纂修並延邑中通儒碩彥分任協修閱兩載而書成凡立表二纂志二十有一立傳十一雜錄一都爲三十五卷門類悉備舉凡文治武功道學藝術忠節孝義諸大端以及選舉警察實業交通調查物產諸要政舊志所畧者增之舊志所無者補之舊志所有而名目不符者移掇之訂正之莫不折衷至當言婉多風而摹寫山縣小民耕鑿負販之苦比較今昔賦稅負擔之重歷述楊源界溪等處遭匪蹂躪之慘幾於聲淚俱下以視郭論救荒車論陞科議革鑪譚論肩鹽其一片爲民請命之心皆有足以動人惻隱者予故表而出之以爲黃令告並爲後之繼黃令宰是邑者告蓋士君子出仕一



方爲民爲國雖所處時勢萬難不能措施如意而但多一分愛民之心卽吾民多受一分之賜苟能是則是編之作謂爲政令之千秋金鑑也可卽謂爲政民之苦海慈航也亦奚不可
民國八年十月福建建安道道尹蔡鳳機謹序

政和縣志序

國以民而立民因俗而治自古皆然况民國肇興本愛民爲宗旨先開國史館次修省志縣志網羅散失追述舊聞非徒攷獻徵文維持國粹實欲採民情風土資爲致治本原意至深典至重也按政和邑志之修肇自郭典史斯屋郭先幕後官志由明建文年間舊序稱洪武三十五年采輯袁邑侯政和雜志縣令小錄陳三詔實卽建文卽位之四年小譜余孝友筆錄彙纂成編至永樂二年修乃歲事嗣經萬歷年車邑令鳴時一修沿至清乾隆年譜邑令垣再修三君子皆官茲邑洞達民情竊嘗味其所言疏民間瘠苦情形若憫赤子將入於井代爲呼籲而望救之也郭論救荒車請革鑪譚叙教化不可不

政和縣志序

卷

勤無一不切中民病思對症以下藥至先後論斷之語皆有爲民請命之思仁者之言藹如也均見前志厥後道光年間魏太史敏中續修文雖畧增而用意尙不如前之痛切耳余忝宰茲邑兩稔思追步三君子之後增葺重修適丁有事之秋捍患救荒輒無暇晷固有志而未逮也適昨年邑中奉文修志辱承錢蔚如黃絜麓兩邑侯及邑中諸紳公推主其事自維出山已久勞勞薄宦學殖荒落遑敢濫竽幸協修諸君皆家學淵源熟諳掌故特相與酌商體例總攬其大要焉已至篇中論民利病亦卽心三君子之心也識者鑒諸

民國八年前任政和縣知事閩侯李 熙謹序

政和縣志序

政和之設縣治自宋始至明郭典史斯屋乃爲之志嗣經車令鳴時譚令垣魏太史敬中先後續修之魏修於清道光十二年距今蓋八十餘年矣使不亟爲之網羅舊聞補苴舊章後將何徵焉余以去年四月來攝斯篆時邑之修志局已設立期年聘閩侯李詠午先生爲纂修其協修經理諸職則邑中諸君子分司之又越年餘而志以成余雖繼任監修愧未嘗有所裨助而承乏此間得觀成書亦竊用以自幸抑聞之灼之而始見也表之而始趨也人之性大抵如是周禮地官土訓誦訓之職道地圖地志以詔事辦物此爲志昉自宋元降而明清志乘之作幾於無邑蔑有其精善者

政和縣志

序

肆

類能以地理家言通於政書蓋爲之辨土宜正民俗明利弊詳得失俾從政其地者披覽編籍而有所藉手耳政邑舊志如郭如車如譚於救荒革鑪勤教化諸端言之綦切今李詠午先生以閩中耆宿宰是邑有年風土民情其所素習故其言曰篇中論民利病亦卽心三君子之心也嗚呼其殆深有味於灼之表之之義也歟揚子曰春木之芟兮援我手之鶉兮賈生日前事之不忘後事之師也後之官斯土者能於是勤稽湛思穆然於呂叔簡知此州知此縣之言因可革不以合於不膠而卓之道則斯志之有造於民者豈淺鮮哉余受賦謏劣文質無所底自知不逮亦曷敢不勉

民國八年八月署政和縣知事萍鄉黃體震謹序

縣志後序

明天順

秀水訓雷 春
導邑人

事物之興廢也莫不由乎人焉誠得其人以修舉之則雖廢也而可使之興不得其人以維持之則雖興也而遂使之廢凡事尙然而況載籍之存亡顯晦而不然乎政和縣志乃永樂間幕賓郭君伯載之所集錄郭之學該博古今通貫儒術有非後來者之可及故於贊政之暇而爲是書凡人物之賢否風俗之美惡山川之靈秀土產之珍奇以及名公題詠靡不備載誠爲政者不可不知也梓板舊藏邑庠天順戊寅舉邑遭鬱攸之變司其事者自爲謀而不暇及庠舍旣爲煨燼而斯版遂以不存識者莫不爲之深惜張君維贊憫是誌之泯沒乃捐己貲命工重爲鋟梓以永其傳余唯世之吝於財者雖毫末

政和縣志

序

伍

貴如珠玉矧肯以邑乘爲其家乘乎始而珍藏之令不爲燼繼而出貲命梓之令郭君之籍得有所藉以不泯此豈尋常利市者所可幾張君之善行固不止此然卽是亦可見其重義之一端也旣畢工徵余言以序其後遂書其始末興廢之由以復張氏世爲政和右族君名琛字維贊今任本邑醫學云

縣誌序

明萬曆

邑知縣車鳴時

政和立邑自宋咸平始迄今凡六百餘年雖文獻無徵而舊乘足述其間傳次失宜詳畧互異不無舛謬然瑕不掩瑜難爲作者失今不治後何以觀焉則夫原原本本綜前代之迹暨所聽睹刪潤舊文以彰往詔來卽愧乏三才寧任之矣夫政延袤數百里自有宇宙之山川自入職方之貢賦罷鎮置邑建侯守土或分或并或易或仍雖時異代殊然畫野分疆可以按籍而指諸掌作沿革表古者不出戶而知天下而直數百里之內里道不通井牧不辨何以聚衆而成邑比閭什伍里正總之五方不同俗草唯風偃盡人官之能以興地之利而山川橋梁陂亭之制興焉作地理風俗志爰始礪盟自天子命分

政和縣志

序

陸

封廢而郡縣設握符據要實爲長吏更至迭謝與錫圭胙土異矣然建極承流阜民成俗職在有司廣儲待匱賑困賑饑亦由人自爲備安得秦越視而曰救荒無策也黃熊可城而險不足用天柱等隘是稱四塞當關守險足備他盜作秩官建置志山谷阻險民罕十連之聚然西南十分之九不盡宜於五穀勤於事事亦足自贍上埤茶栗下植麻苧其他木竹菰笋之饒惟地所設苟無凶歉則戶登而田治賦平而產息矣作戶口賦役土產志民生於三教治相成羣萃州處言必敬義里選不行科貢遂起入貲爲郎號稱得人何啻科目哉作學校選舉志祀嚴秩宗不享非類崇功之餘下逮貓虎里社報賽愴然示睦英濟以往他若鄉社叢祠安用牢俎爲哉子孫奉祀不如桐

民朱邑之言不爲無見惠安元元其柄在我方駕卓魯誰能泯之召
父杜母炳炳史册祀與不祀勿論矣天地常存山川不改靈淑之氣
鬱爲人豪勳庸道德節義文章何代無之母論高明卽衡門素封有
足采焉丈夫誦法先王言議乃薄千古食焉而避其難而况筭禱之
流苦樂由人境移順逆凌暴怵守饑寒奪志而能秉禮度義久而彌
貞一蹈凶危奮厲引決可不謂難作祀典名宦鄉賢列女傳達磨東
度震旦自以爲見性與人無爭其後泛濫中國老子載其清淨著道
德經孔子目以爲龍彼亦各有所長氣同跡異各臻其極佛老之變
仙釋雜出有屹其棲竊名損實優孟叔敖難爲據矣大不可遺小不
可捐幽明相嬗萬變橋起先賢往蹟易以堙微自余鑄山雖以利國

政和縣志

序

宋

亦以病民太史著鹽鉄論而獨有取於文學得無意乎作外志古蹟
傳藝圃詞林宏言麗藻敷敷道義被飾方輿舊簡之載記未泯逸耆
之傳詞足徵懋矣盛矣弗獲而詳述也采其著者以爲法焉可也作
詞翰志雖然是編之作始於黃裳次於斯壘又次於范濬具有筆削
未究厥施成於今日敢云粗備矧事物無窮見聞有限以今視昔固
多殘缺後之視今得無遺珠紹明世之君子有能推是意而以信傳
信卽以是覆瓿固所願也不然意長才短無所取裁持三言以誚我
我其何辭

縣志序

明萬歷

建安進士 鄒希賢 刑部郎中

縣有志猶國有史也所以總事實齊耳目權是非而昭勸戒蓋其重哉余郡東有縣曰政和者宋政和五年建遂以名縣西折建安南剖寧德兩邑地隸之廣袤百五十里許山川聳秀民情愿樸稱名區云而時韋齋朱先生奉檄爲尉泐書院羣邑弟子而教之嗣是而人文彬彬鬱起洎國朝有卿貳吳公廷用憲副陳公桓助望聲稱布滿宇內縣遂爲增重縣故無城郭溝池宏治初山峯剽掠令叵能爲守禦尋興版築然固非金湯嘉靖壬戌烏虜颺至蹂躪郊保煨燼圖籍幾亡政和矣當路殷憂下檄崇墉壘堞夫然後逃亡還集生殖漸繁迄今閭里豐懋顧文獻無徵猶昔君子病之萬曆丁酉歸善車侯來令

政和縣志

序

別

厥邑約已裕民興廢舉墜不一二稔民安物阜乃議成缺典上下胥協於是蒐採撰次而時與邑博士暨諸弟子揚榘考正志所載於天星野於地疆域形勝山川物產於政城池倉庫征徭歲用屯堡祠廟學校風俗之類以察禮祥之變以知險夷迂捷之逕以考容保綏懷調度富教之畧以別科貢恩例登進仕路之途而傳記藝文吟謳以盡古今興革之宜其於天地人事之紀燦乎可睹矣爲志凡若干卷分門別類將銀梓以傳而縣薦紳吳君道敷張君希榮持成帙示余而屬余叙諸首余頃與侯譚政都門業已內遜侯才乃今閱茲志又以徵侯經世之猷矣嗟夫詩稱率由舊章景行行止以觀於今侯政成將不次召擢而邑諸君子高侯義將唯侯向往已藉令繼侯來者

循侯軌轍而後之髦士英俊稱往牒景仰前修則是志也其所風勸
當何如吾是以慶政邑之大有造也

政和縣志

序

玖

縣志序

明萬曆

豫章舉人 趙國華 邑教諭

嘗稽古昔王朝列國各有左右史內史外史大小史其設官詳甚則其論著不宜獨簡如皇三墳帝五典夏圖殷冊周志鄭書之類夫縣有志卽國有史也自司馬子長班孟堅外寥寥無聞蓋闡於大義猥稱記事雌黃恣其唇吻月旦評其喜怒自非才識並茂學問淵源者安能傳史記而列作者之林哉孔子因魯史而筆削春秋自隱公始大抵期於信以傳信疑者闕而不錄故曰其義則丘竊取之矣又曰吾猶及史之闕文也蓋自道也誠史誌者之龜鑑也閩有政和古稱文獻之地第當兵燹之後舊志遂湮疑信者相半歸善車侯上應列宿以令茲土才宏學富百廢具舉乃刪定縣志仍舊遺文者居多獨

政和縣志

序

拾

田賦徭役戶口食貨利當興害當除貧窮疾苦之狀可矜山谷寇盜之虞可警其尤注意者則以學校乃賢士所關教化爲國家重務故誌饗序而必行先於文焉他如城池之改遷鼓鑄之沿革下至寺庵擾雜者亦收其餘田以寓歸正之漸此其欲轉移世道興起斯文意念深矣志成列爲數款分爲八卷其間有大書有特書有實錄有世表定品隲於一言寄褒鉞於萬世誠不朽令業哉第茲土士民每歉於人文未暢土地瘠薄庸詎知五百年必有名世出自宋迄今適逢其數人傑則地靈矣况生衆而爲疾民勞而思善安知不與沃土者埒哉倘生東和者觀鄉賢若陳邵吳余諸君子或以廟祀鄉閭或以表揚朝宁斯亦奇矣仕東和者覽名宦如朱韋齋導以教化而民興

起於道義訓子徽國公集諸儒之大成分司張公儉懇乎誠敬中之
三語盡六籍中之要言人皆可聞風而效法者按志思義因往知來
揆厥所自則車侯修志之功顧不鉅且博哉不佞樂觀盛典故僭序
首端今後之觀風貢俗者得備採擇云爾

縣志後序 明萬歷

邑訓導 劉一璉

建州據八閩上游夙稱名儒梓里政和其屬邑也距州東北百四十里許山川迤邐或巍而高或呀而淵民生其間俗敦樸土沃饒薦紳先生道德事功節義文章之雅皆歷歷可述而識風教係焉者也永樂初邑令尹番禺黃公墓賓會稽郭公探邑故實而輯錄之所由來舊矣然事闕畧而辭繁蕪者猶致不滿嗣是海罹灰燼至於今日且散軼殘闕寥寥二百載可異焉車侯甫蒞政徧詢邑利弊興革所宜而首及此慨然曰嘻誰責哉夫以巨典若彼乃廢棄若斯之久謂信今傳後何遂撫往牒詢故老刪輯編摩之爲兢兢閱月浹旬而書成良工蓋獨苦矣以故詮次之詳論列規畫之當而井乎例炳日星確

政和縣志

序

拾貳

乎案備律令悠悠乎深慮卓識立言奧旨猶未易爲尋常淺近者道也請掇其大較如論分野辨非牛女之界論風俗輒興移易之思論城池則卷卷於長城改造一篇三致意焉戶口賦役歲有常供惕然軫念於貧富勿均恤民瘼也名宦鄉賢世有迭出而勳德無論顯晦亟闡微其節著名滅者重崇報也飭材礱石而修黌宮偉然壯麗尤深幸其士習有淳風叮嚀勸勉之勿置表貞烈褒孝義榮於華袞矣凡嵒巖之夫懿行昭灼亦得兼收而寓摩厲死於封疆享祀宜也非食祿茲土者則建祠別奉明禋不並列於名宦以至險要嚴重關之守與梁創巨石之功一切梵宮佛刹不經之祠外志列之諸如此類未易殫述總之皆酌古準今事核義正載筆一時定衡千禩者也噫

此車侯所爲厚有造於政邑垂不朽令業良有以也侯慷慨有大節而滿腔中懇惻肫誠靡不流注蒸蒸乎激猷顯績史冊且不勝書寧獨一誌稱不朽盛事哉誌成而參攷備法戒昭令後世奉若著龜毋墜儻所謂不朽非耶謹序

縣誌跋

明萬
歷

邑舉
游應運
人

嘗聞之語曰不習爲吏視已成事已事無徵欲視何繇予邑志書初自郭公斯序續刻於張君琛迄今百餘載大都寥寥曠廢已邑侯車先生首倡鉅典非唯大有造於我邑卽是而觀侯之洪才遠畧有度越尋常者昔呂覽春秋貽譏龐雜淮南烈解蒙誚駁亂子長孟堅世史也千古讓才尙緩之累歲積紀非發憤於腐刑續成於女弟幾無全書侯纂邑志體仿遷固言出自獨裁間質之長老稽之往牒身親經歷以按其實不數月而竣事且也尊六經而外釋老右德行而後六藝條城池之當遷慨役歛以不均表揚貞義蒐闡幽佚諸所規畫用意深遠尤覺駸駸越班馬而過之嗚呼今制吏六年遷矣類補綴

政和縣志

序

拾肆

日暮以冀無忝殿最爲沾沾希不遽廬托之况茲百餘載未舉之曠典又值蕞爾下鄙物力凋乏能不謙退未遑乎能不以嫌謗爲解乎不者才非擅三長學未貫百家能不假手足於衆乎遲歲時以須厥成乎微侯政獨先大不忍文獻之湮沒無徵吾恐後之繼今亦猶今之繼昔得睹茲不朽盛事也翳何日之有曩不佞序侯制義嘗贊以不朽夫文章言耳雖足徵功德而豈功德哉侯之功之德如揭日月行天固在人心自不可磨滅茲志成凡今而往覽斯志者詎不彌誦功德於不衰一舉而不朽者三侯其有之矣

縣志序

清乾隆

閩浙總制楊廷璋

聖朝德澤涵濡百有餘載版章孔厚聲教覃敷實乎前代所弗及我皇上披圖考籍特命廷臣纂修一統全志用昭同文盛治立至當之論成不刊之書非僅博爲鉅觀已也至於省州郡縣凡蒞有茲土者遞各有所編輯其自星野山川風俗學校以及人物藝文之類不憚搜羅臚列以備一方掌故誠可謂汗牛充棟者矣政和居閩省建郡之東宋政和五年析建安寧德兩邑之地以隸之延袤百五十餘里山川迤邐俗儉土饒自古稱名區焉明初知縣黃裳典史郭斯屋取前人筆錄小譜等書參訂成帙舉唐宋以後之俗尙政治胥於是乎備而范氏文魁又附以觀游一錄此政和縣志所自仿也迨地遭兵

政和縣志序

拾伍

燹圖籍幾湮有存者亦祇十一於千百萬曆間車鳴時甫宰是邑卽舉此爲兢兢討殘編詢故老詮次論列厥功獨宏迄於今規模風氣久則彌新功業文章積而愈盛不有留心典籍者採掇羣書廣爲輯錄非惟是邑之聲明文物蔑由以彰而二百年來之記載闕如亦何以信今而傳後邑令譚君誠知爲政之端不遺文獻公餘殫見洽聞重加編次於綱目徵錯綜之變於分合見類聚之明署郭車二姓以傳其舊本程吳二氏以啟其新而於人物之中則以文公父官於此祖葬於此更以寓賢一條增之是又顯一邑之眉眼而補前志所未逮夫縣有志猶國有史也操觚者必智足以知難明之志文足以發難顯之情而後能勝任而愉快然是志也正不必律以上師班馬下